

PUO YA BOPHATLALATSI BA DITABA KA SARS

Tshwane, 2 Phato 2023 - Ditshebeletso tsa Lekgetho tsa Afrika Borwa (SARS) di hlokometse polelo e entsweng ke Mong. Julius Malema bophatlalatsing ba ditaba bo sa tswa ho phethelwa ba Economic Freedom Fighters (EFF). Polelo ena e fana ka mohopolo wa hore ho bile le kopano pakeng tsa Mopresidente Cyril Ramaphosa le Khomishenara ya SARS Mong. Edward Kieswetter moo ho yona Mopresidente Ramaphosa a fileng Khomishenara Kieswetter taelo ya ho fuputsa merero ya lekgetho ya bao ba neng ba tlile moketjaneng wa bosiu le ba ileng ba tshehetsa Mocketjana ona wa EFF ka ditjhelete o neng o tshwerwe ka la 27 Phupu 2023.

Polelo ya kajeno e tla ka mora ya pele e entsweng ke Mong. Malema ka Moqebelo raling ya EFF moo a boletseng hore SARS e "hlekefetsa" lelapa la hae ka sepheo sa ho fumana eng kapa eng e seng molaong ho phethahatsa merero e seng metle.

SARS ho latela tshebetso ya yona ya kamehla, ha e ke e hlahisa maikutlo mabapi le dipolelo tse mabapi le yona lepatlelong la dipolotiki. Le ha ho le jwalo, SARS lekgetlong lena e tshwanelwa ke ho ntsha maikutlo. SARS e batla ho hlakisa ntle le ho se lobe letho hore ha ho kopano ya mofuta o jwalo e kileng ya ba teng pakeng tsa Mopresidente Ramaphosa le Khomishenara Kieswetter.

Ke ka makgetlo Khomishenara Kieswetter a ntse a hlakisa hore ebang ho ne ho na le tshusumetso mosebetsing wa hae, kapa ebang a ne a ka fuwa ditaelo tse seng molaong ke radipolotiki ofe kapa ofe, a ka itokolla mosebetsing hanghang, hona le ho nyatsa kano ya hae ya ofisi.. Khomishenara Kieswetter o sebeditse ka thata ho boela a aha SARS botjha ka mora hore e kgeloswe ke batho ba itseng ho fihella maikemisetso a bona a manyofonyofo a Kgapo ya Mmuso. Ke ka hona a tlang ho sebetsa ka thata ho sireletsa basebetsi ba fetang 12 500 ba SARS hona le ho itshwenya ka kopo efe kapa efe e seng molaong. Ke ka makgetlo a mangata moo a ileng a hlokomedisa mosebetsi ofe kapa ofe wa SARS ya nkang taelo kapa ya sebetsang mmoho le molefalekgetho ofe kapa ofe hore seo ke tlolo ya molao mme eo o tla nyalwa mosebetsing.

SARS e lakatsa ho hopotsa baahi bohle ba ikobelang molao ka tema ya bohlokwa e kgathwang ke bolaodi ba pokello ya lekgetho mererong ya naha ka ho bokella lekgetho ho aha mmuso o nang le bokgoni ho arabela diphephetso tsa bofuma, ho se lekane le ho phahamisa bophelo bo botle ba Mafrikaborwa kaofela. Kahoo ke boikarabelo ba Mafrikaborwa ho itshwara le ho se senye seriti sa setheo sena sa bohlokwa se kgathang tema e hlokolosi tswelopeleng le tshehetsong ya demokrasi ya rona. SARS e sebetsa ka molao, ntle le tshabo, leeme kapa ka tsela e inkelang diqeto. Setho sefe kapa sefe sa setjhaba se hlokomelang mosebetsi ofe kapa ofe wa SARS ya sa ikamahanyeng le molao, o mengwa ho tlaleha sena mohaleng wa SARS o mabapi le thibelo ya boqhekanyetsi kapa a ikopanye ka kotloloho le Ofisi ya Khomishenara ho oooc@sars.gov.za.

Molemong wa katleho ya naha ya rona, ditheo tse sebeletsang baahi ba rona le ho phehahatsa thomo ya Molao wa Motheo di lokela ho leswa hore di phethe mosebetsi ona wa tsona ntle le ho itshunyatsunya ho sa hlokahaleng hwa dipolotiki.

Ho fumana lesedi le fetang lena, ka kopo ikopanye le SARS ka
SARSMedia@sars.gov.za